



20



23

## MEDIUM TERM BUDGET POLICY STATEMENT (MTBPS)

# PAMPITSHANA YA TSHEDIMOSETSO YA MTBPS

## MTBPS KE ENG?

Polelo ya Pholisi ya Tekanyetsokabo ya Paka e e Magareng (MTBPS) e tlhagisa letlhomeso la pholisi la Tekanyetsokabo e e tlhagisiwang Tlhakole nngwe le nngwe, e tlabolola diponelo tsa ikonomi tsa Matlotlo a Bosetšhaba, e lekanyetsa dipalo tsa ditekanyetsokabo tsa paka e e magareng, e rulaganya ditekanyetsokabo tsa mafapha a puso mabapi le ngwaga wa gajaanong wa matlotlo le go dira diphetogo tsa tshoganyetso malebana le tiriso ya madi.

## MTBPS E TLHAGISIWA LENG?

E tlhagisiwa dikgwedi di le tharo pele ga tekanyetsokabo ya bosetšhaba, ka gale ka Diphilane ngwaga mongwe le mongwe. E tlhagisiwa ka bonako morago ga Tshekatsheko

ya Tekanyetsokabo le thulaganyo ya Pegelo ya Katlanegiso (BRRR), mo dipegelo tsa ngwaga tsa mafapha di sekasekiwang.

## KE GORENG MTBPS E LE BOTLHOKWA?

MTBPS e na le seabe se se botlhokwa mo thulaganyong yotlhe ya tekanyetsokabo ka gonne e tlhagisa mokgwa o o rileng mabapi le letlhomeso la matlotlo (le le kayang bogotlhe jo bo bulegileng jwa tekanyetsokabo jwa lotseno lotlhe, ditshenyegelo le kadimo ya madi malebana le ngwaga o o rileng) malebana le tekanyetsokabo ya bosetšhaba e e latelang. Gape e tlamela Palamente le naga yotlhe ka tshedimosetso mabapi le ka moo Matlotlo a Bosetšhaba a tsayang maemo a ikonomi a gajaanong ka teng. Tekanyetsokabo ke sedirisiwa se se botlhokwa thata sa ikonomi sa puso, ka e bontsha ditlapele tsa pholisi tsa ikonomiloago tsa naga ka go fetolela



**national treasury**

Department:  
National Treasury  
**REPUBLIC OF SOUTH AFRICA**





20



23

## MEDIUM TERM BUDGET POLICY STATEMENT (MTBPS)

### PAMPITSHANA YA TSHEDIMOSETSO YA MTBPS

ditlapele le maitlamo a polotiki mo ditshenyegelong. Tona Godongwana o solofelwa go tlhagisa selebego sa ikonomi sa Aforikaborwa jaaka se sekasekilwe le go bonelwapele ke Matlotlo a Bosetšhaba. Selebego sa ikonomi ke tsholofelo e e bonetswengpele mabapi le ka moo ikonomi e yang go dira ka teng mo kotareng e e tlang, mo ngwageng o o tlang kgotsa mo tsamaong e telele. Se se ya go akaretsa diponelopele tsa infoleišene, boleng jwa kgolo, botlhokatiro le tekatekano ya kgwebisano. Selebego sa ikonomi se botlhokwa e bile se sebeletswe ka tlhoafalo ke babeetsi, ditheo tsa ditekanyetso, baduelalekgetho le baagi ka kakaretso.

### KOMITI YA DITSHENYEGELO YA PAKA E E MAGARENG KE ENG (MTEC)

Yona ke komiti ya setegeniki e e rweleng maikarabelo a go tlhatlhoba ditlhagiso tsa tekanyetsokabo tsa letlhomeso la ditshenyegelo la paka e e magareng (MTEF) tsa mafapha a bosetšhaba le ditheo ka go dira dikatlanegiso go Tona ya Matlotlo (ka Komiti ya Tona e e mabapi le Tekanyetsokabo (MINCOMBUD) malebana le dikabo tsa madi go mafapha a bosetšhaba. E akaretsa baemedi go tswa kwa mafapheng a puso a a tlhophilweng.

### MAFAPHA A TIRO A RULAGANYA JANG DITEKANYETSOKABO TSA ONA?

Mafapha a bosetšhaba le a diporofense le ditheo a tsamaisa dithulaganyo tsa ona tsa ka fa gare go rulaganya ditlhagiso tsa ditekanyetso tsa ditshenyegelo go tsamelana le ditlhokego tse di tlhalositsweng mo dikaelong tsa tekanyetsokabo e bile go ikaegilwe ka dithulaganyo tsa ona tsa togamaano le dithulaganyo tse dingwe – tse di nang le tshedimose tso.

Ditlhagiso di lebišwa go NDP, MTSF le go Letlhomeso la Thulaganyo ya Tekanyetsokabo la DPME: NT (PF, IGR, BO) e golagana le ditheo tse mo dipuisanong tsa ditlhopho tsa tiro/ mo dipuisanong tsa ditlhopho tse pedi tse dipholo tsa tsona e leng dikakanyo go Matlotlo a Bosetšhaba, kwa diforamong tse di farologaneng tse di neetsweng dithata di sekasekang ditshitshinyo kwa teng.

### THULAGANYO YA PALAMENTE YA MTBPS

In respect of the MTBPS, reports are issued by Parliament on the MTEF's fiscal framework and division of revenue (DOR), before the executive finalises the budget.

### GO DIRAGALA ENG MORAGO GA GO TLHAGISIWA GA MTBPS?

Morago ga go tlhagisiwa ga MTBPS, Dikomiti tsa Palamente (Madi a a abilweng le Matlotlo) e dira ditheetso tsa mo phatlalatseng le baamegi ba ba maleba. Ditlhagiso di amogelwa go tswa kwa baameging ka motsi wa ditheetso tsa mo phatlalatseng. Morago ga moo, dikomiti di rulaganya pegelo le go e tlhagisa mo Kokoanong ya Bosetšhaba, e e sekasekang go ya pele ditshitshinyo tsa ditshenyegelo le tsa matseno. Malatsi a le somaamararo morago ga go tlhagisiwa ga MTBPS, dikomiti tsa matlotlo tsa Dintlo tse Pedi di tshwanetse go begela diporofense le dipusoselegae ka ga letlhomeso la matlotlo le le tshitshintsweng mme dikomiti tsa Madi a a abilweng di tshwanetse go begela diporofense le dipusoselegae ka ga karoganyo ya lotseno le madi a a abilweng e e tshitshintsweng. Molaotlhommo wa Tlhabololo wa Lotseno wa Karoganyo (DORA) o a sekasekiwa.